



栗谷全書二

詩

十一  
七

~16  
2426  
2



和  
2426  
37-2

栗谷先生全書卷之二目錄

詩下

湖堂夜坐

湖堂醉示諸公求和

君山鐵笛

與諸友到季涵家季涵他適入夜而還小酌

送慎吉遠喜男按節關東

與汝受往景魯家詠懷

遊三清洞

寄權松溪應仁

九月十五夜見月感懷二首



觀周同行契軸

哭退溪先生

次李大仲海壽韻

復次大仲韻

義寧監胤祖挽

安季弘自裕朝燕京歷訪余別于江閣

理氣詠寄呈牛溪道兄見答書下

乞退蒙 允感著四絕名之曰感 君恩

陳疏求退三上乃 允乘舟西下有感而作

文忠堂書示沈文叔禮謙兼呈具時仲仲

文忠堂小會次申企齋光漢江閣韻

奉贈時仲尊兄求和

送邊兵使協鎮關西

將按海西和安賚卿見贈

挽吳典翰子強健

在黃岡除夜有感

延安府月夜聞金雲鸞彈箏

金希元長生來石潭受業辭歸平壤詩以贈之

挽洪判決事奉世

宿南時甫彥經郊舍

沈判尹守慶朴參判啓賢歷見適山人求詩

次李宜仲義健敘別韻

題山水障

呈朴思菴相公淳

贈金景巖致○并序

送尹參議斗壽朝 天兼示金書狀崔質正

感寒疾調于密室有感寄浩原

次思菴相公贈別韻

將向首陽寄別浩原

遊花潭贈徐時遇應麟是日雨

曹雲伯駿龍卜居松都遮日巖下草堂甚蕭灑

滿月臺

題申漬詩卷

到海州野頭邨有作

曹雲伯來訪贈詩次其韻

權用經來訪

寄上盧蘇齋守慎

題趙光瑗扇

六月憂旱

雨後次宋士強大立見寄韻

許校理籍訪余于石潭小酌次韻以贈二首

聽溪堂對琴書

金君德器有可笑吟余慕其為人次韻

次安丹城興船巖韻

次安丹城石潭韻二首

承 命名謝 恩而歸感懷書寄浩原

舟中回望南山悵然有作

雪中騎牛訪浩原敘別

與辛君望 應時 黃景文 廷爽 登浩然亭二首

次君望小酌石潭韻

次君望路中寄贈韻

與李大仲趙汝式 意 諸君登浩然亭

大仲 韻復步以贖

贈別趙汝式李達夫 培達 應時三君子

攜諸友游潛陽洞

金沙寺次安丹城韻

題金沙寺是日適見海市

金汝器 偉 訪于南江潮逆舟不得渡望見有作

與汝器登覽浩然亭明日泛舟奏樂日沒而罷

題浩然亭

浩然亭見月

芙蓉堂與方伯大仲都事嘉應及季獻小酌

次大仲見贈韻

聽歌聲

露坐酌月

與大仲期會南江大仲有故不至寄詩次韻

大仲使謳者碧桃助餞席因其歸寄詩

浩然亭酒席贈山人雲水

浩然亭置酒別季獻

偶吟

遊蠡雲巖寄大仲

神光泰定樓宴坐

贈僧

深源寺月夜季獻彈琴次玄玉上人韻

雨後題安叔珍璉平遠亭

聞監司季弘辭遞將別于路阻雨未果贈短律

方伯李仲益友直都事李應堯增來訪石潭

別季涵于露梁江閣二首

送季涵按湖南

浩原退歸寓津關作詩相示次韻還寄二首

司諫院契軸

送魚景游雲海作嶺南幕賓

送沈公直忠謙作宰春川

寄精舍學徒

送金希元陪嚴侍朝 天之行夜裏敘別

送崔立之以質正官隨重晦之行

送李夢應濟臣出鎮北邊

挽伯姦

挽金重晦

次黃

天使

洪憲

沿途諸作并序

渡鴨綠江二首

車輦館蟠松

孝女碑

納清亭三首

練光亭

箕子廟二首

泛大同江二首

次黃

天使浮碧樓韻

次黃

天使太虛樓韻

次黃

天使頌

詔記事韻

次王

天使沿途諸作并序

渡鴨綠江二首

車輦館

蟠松

過金孝女故廬

納清亭

嘉平館觀射

百祥樓

肅寧館微雪

謁箕子墓

快哉亭

浮碧樓

練光亭

江上泛舟二首

渡大同江

生陽館

太虛樓

鳳山途中遇雪

龍泉館

次王 天使宣 詔後所作韻二首

太平樓次黃 天使韻

太平樓次王 天使韻二首

慶會樓次黃 天使韻

讌集慶會樓次王 天使韻

漢江夕泛次黃 天使韻

漢江樓讌集次王 天使韻

次王 天使謁文廟韻

次黃 天使花石亭韻 并序○ 附原韻

復以一首申謝

次王 天使花石亭韻 并序○ 附原韻

復以一首申謝

次黃 天使葱秀山玉潘泉韻



次黃 天使觀射獵韻

次王 天使玉溜泉韻

次黃 天使生陽館韻

百祥樓次黃 天使韻

次黃 天使雷別韻

次黃 天使贈別韻附原韻

次王 天使贈別韻附原韻

奉別 天使雷別韻附原韻

詩帖付 天使兩大人四首并序

歸坡山寄宋雲長 中朝王給事中并序

題墳菴僧軸

乘舟西下

去國舟下海州

附高山九曲歌

栗谷先生全書卷之二

詩下

湖堂夜坐 己巳

湖堂久不寐夜氣著人清葉盡知秋老江明見月生  
疎松搖榻影塞鴈落沙聲自愧紅塵客臨流未濯纓

湖堂醉示諸公求和

醒酒披衣起憑軒俯碧湖春光浮遠岫晴景滿平蕪  
煙樹憐殘錦雲牋閱唾珠日高松影轉虛閣響投壺

君山鐵笛

萬里滄溟闊中浮一點山笛吹煙雨外聲出渺茫間  
旅客情難掩孤臣淚自潛蕭蕭蘆岸遠叫月斷鴻還

與諸友到季涵家季涵他適入夜而還小酌

有約人何去客來棲鳥稀月緣寒樹沒鐘度華山微  
擊目凝清思回燈照夜霏深杯敘離別寂寞素心違

送慎君吉遠

喜男

按節關東

攬轡車初動澄清志不虛緣雲巖路細隱樹驛亭疎  
海郡宵觀日山氓夏種畝從來稀訟牒風月屬十旗  
與汝受往景魯家詠懷

霾霖止還復窓戶晝難明電影橫天走雷車曳雨行  
葉中鶯語濕風處燕翔輕細話三年別愁看鏡裏形

遊三清洞

曳杖煙蘿逕支頭老樹根石泉幽處咽松籟靜中喧

鳥動巖花影苔留澗雨痕暮雲生邃谷從却鎖山門

寄權松溪

應仁

一別松溪老三秋抱渴飢風塵衣盡染林壑意偏怡  
我為吟詩瘦君應勝戰肥光儀勞夢想怪爾白駒遲  
九月十五夜見月感懷三首

咄咄獨無寐擁衾清夜闌木疎牀剩月籬缺

缺

當山

感舊衣常濕懷人眠幾寒平生一長劍無計翦憂端  
世事今休道吾生只可嗟墳塋荒草木昆季隔山河  
覽物思荆樹論詩廢蓼莪我病妻書不至眠食近如何  
萬物誰齊得莊生誇騁辭賦形雖有別司命本無私  
鵠白非由洗烏玄豈染緇窮通與苦樂順受是男兒

觀周同行契軸

遼海遠無波燕山遙際天客路山海間行役過半年  
 胡騎輕渡漠隔堊生獵煙孤城木鐸悲達曉耿無眠  
 曠野不見人回風導馬前骨肉日已遠同乘情自牽  
 皇都壯城闕氣象浩無邊仰見天日光一破羈愁  
 煎秋月鎖玉河殘燈鄉思偏拜辭皇極殿出門賦  
 言旋還家一夢耳所經尙依然萬里共辛苦豈云無  
 夙緣霜縞寫陳迹姓名相接聯努力莫緇磷付與雲  
 仍傳

哭退溪先生辛未

良玉精金稟氣純真源分派自關閩民希上下同流

澤迹作山林獨善身虎逝龍亡人事變瀾回路關簡  
 編新南天渺渺幽明隔淚盡腸摧西海濱

次李大仲海壽韻

酒闌吟斷碧波潯楊柳風來散客襟谷霧江煙迷遠  
 近臥聞幽澗細穿林

復次大仲韻

圖書湖閣靜飄雪柳堤時山霧生衫袖江風散鬢絲  
 酒筵無貌敬蘭室摠心知碧澗如瑤瑟冷泠細入池

義寧監胤祖挽

悄悄夜無眠潛憂故人疾故人已觀化神塊暗來別  
 空齋曉乍交髣髴瞻顏色問答語未了惕然忽驚魄

輾轉候天明  
俄傳消息惡  
嗟我解簪組  
初歸桑梓域  
鬱鬱坡山陽  
斯人期卜築  
一慟事已矣  
寂寞連門約  
石交成徵君  
孤兒此可託  
含悲寫薤露  
日斷平蕪綠

安季弘

自序

朝燕京與李愉愉

音愉

聲遠歷訪

余別于江閣

壬申

江閣逢佳客  
征途指玉關  
交情無遠近  
人事有悲歡  
水淨天光迥  
暉清石影寒  
川原馬前闊  
幾日到燕山

理氣詠寄呈牛溪道兄

見答書下

乞退蒙

允感著首尾吟四絕名之曰感

君

恩

癸酉

君恩許退返鄉園  
古木荒灣栗谷邨  
一味簞瓢生意

足耕田鑿井是 君恩

君恩許退謝籠樊  
野逕蕭蕭獨掩門  
四壁圖書無外事  
草堂晴日是 君恩

君恩許退老江邨  
清坐垂綸釣石溫  
晚棹蘭舟紅蓼岸  
渚風汀月是 君恩

君恩如海報無門  
滿腹詩書莫更論  
暖日香芹難獻御  
一生惟詠感 君恩

陳疏求退三上乃

允乘船西下有感而作

行藏由命豈由人  
素志曾非在潔身  
闔闔三章辭聖主  
江湖一葦載孤臣  
疎才只合耕南畝  
清夢徒然繞北辰  
茅屋石田還舊業  
半生心事不憂貧

文忠堂書示沈都事文叔禮謙兼呈經歷具時  
仲竹

廟洞千年地懷賢竝馬尋眼明新棟宇腸斷舊園林  
細雨迷喬木荒庭噪晚禽一家賓主會坐待暝煙深  
文忠堂小會次申企齋光漢江閣韻  
倚遍虛窓待晚晴巖流得雨有清聲先賢已遠空遺  
宅畫閣西邊一鳥鳴

奉贈時仲尊兄求和  
城樓痛飲暮鐘鳴醉後心肝一笑傾從此首陽歸路  
遠不堪高嶽望中青

送邊兵使協鎮關西

迢迢關路送人歸紅樹滄江淡午暉聞說仁聲傳塞  
外安邊不在著戎衣時邊將多  
挑禍故云

將按海西和安齋卿見贈

拘束衣冠別舊廬雲慙高鳥水慙魚清潭九曲含明  
月準擬誅茅卜我居余將築室于  
石潭故云

挽吳典翰子強健○甲戌

迢迢碧珍城與君初相遇心肝澹相照發軔遵一路  
聚散任人事霜根期歲暮鵬鴉衆所指中輟雲霄步  
南天鴻鴈稀三載含幽素奄忽顯晦殊矜瘁誰將訴  
哀哉一片土埋却崐山路滴盡壯夫淚秋風凋碧樹  
在黃岡除夜有感

黃岡守歲坐凄然舊念新懷燭影邊世路強顏終少  
味山居未卜為無錢心勞原隰詔容變情結 觚棱  
皦日懸三十九年九悔積今宵洗濯矢蒼天

延安府月夜聞金雲鸞彈箏金是舊日同里人  
彈箏妙絕一時

虛閣發箏聲竦然人語絕絃絃應手語激川邃幽咽  
寒蟬抱露葉細泉鳴巖穴側耳在雲霄餘音久未歇  
我少君壯夫仁里曾相悅悲歡三十年渺渺參商闊  
邂逅在今宵感舊腸內結停杯悄相對碧空懸霽月

金希元 長生 來石潭受業辭歸平壤詩以贈之

乙亥○時金君大人  
重晦為平安監司

千里相從寂寞濱洞雲溪月伴怡神歸時垂囊吾堪  
愧別後須教刮目頻

挽洪判決事 奉世○丙子

大雅推先輩微言鑽古經聲名尊一代藥餌涉三齡  
桐邑畱遺愛 朝家失老成諸孫承緒業宰木擁佳  
城

宿南時甫 彥經 郊舍

返照依山扣野扉坐看清月出林霏焚香小閣清無  
語更覺風塵此會稀

沈判尹希安 守慶 村叅判君沃 啓賢 歷見余于

花石亭適山人仁鑒求詩乃步軸中韻

高僧在座世緣輕江雨初收夏意清邂逅一歡無箇事斜陽碧岫看雲生

次李宜仲義健敘別韻

邂逅衡門適野情清宵不寐聽溪聲喬林秋色日加好惆悵送君江上行

題山水障

瀑布寒巖下苔磯柳影中客來人已醉殘月隱孤峯

呈朴思菴相公淳

十年來往誤天恩春半那堪夢故園主聖正開言者路臣迷不識寵之門三章解紱辭丹闕匹馬嘶風度綠原黃閣故人情意重碧雲吟罷暗銷魂

贈金景巖穀○并序

樂幽閒而愛泉石通人素心而每患不遂者宦為之祟也宦之道有二為親也為民也如斯而已亦有不為親不為民而惟印綬是事者此所以山亭水榭多閑空宇以資巢禽伏蛇者也金景巖累歲求閒居之所近者始卜于交河深嶽山之東峯下構屋數間引巖泉注方塘種以淨友植松菊梅竹以挾小蹊既飽幽趣而憑窓縱目則大野彌望禾稼連雲煙岑繚繞閒以長江帆檣隱映島嶼微茫曠如奧如兩得其美其愜素心可知而景巖不得朝夕于此者豈非腰閒銅印為之祟乎景巖之聖



善年高而其為邑廉勤盡情民獲其所其宦之為親為民也明矣此豈終於印綬者乎他日歸來與珥居相近可以相從故賦一詩為信而先之以序故人卜新居瀟灑適野性寒巖細泉鳴方沼荷花淨黃雲遠郊平碧靄遙岑暝江湖浩滿眼款乃臥可聽胡為未歸來坐憂千室病俸錢具甘旨婉受慈闈命儻許以善養山阿有誰競我家枕臨津可浴亦可誅兩地不宿春追隨豈待請行君辭五馬同遊松菊徑

送尹參議子仰斗壽朝 天請雪 宗系之羞

兼示金書狀士純誠一 崔實正立之

觀周仙侶去聯翩病裏分攜倍黯然華表柱西天接

野末通橋北樹綠川才堪專對詩三百情結偏親路四千定被 皇恩滿 國恥歸來喜氣滿朝鮮

感寒疾調于密室有感寄浩原丁丑

病中省人事灑掃清幽室小鑪對焚香明窓坐終日意到輒開卷倦來還掩帙計往積尤悔追來庶無失惺惺保此念喧寂當如一感發遂成詩因之寄同疾

次思菴相公贈別韻

江海晴光浩莫垠數間茅屋返沈淪邇來轉覺 恩大城市山林一樣春

將向首陽寄別浩原戊寅

苦雨連旬阻對牀臨歧別意更堪傷離羣自此多尤

悔警語時時寄首陽

遊花潭贈徐時遇

應麒花潭先生子

是日雨

至人觀化後有客雨中遊道在巖阿潤雲生野逕幽  
石苔隨意綠山澗盡情流逢君問先迹更喜典刑留  
曹雲伯敬龍卜居松都遮日巖下草堂甚蕭灑  
千嶂環回翠峽開巖流一派出雲來詩翁選勝茅齋  
淨孤坐凝神百事灰

滿月臺

下馬披荆棘高臺四望虛雲山孤鳥外民物故都餘  
危砌依林廢喬松落影疎斜陽照三角指點是王  
居

題申漬詩卷

松籬竹塢淨無塵門外山蹊草色新四壁圖書春晝  
未一林花鳥伴幽人

到海州野頭邨有作

海路透遲得得歸野頭邨巷曠斜暉風塵十二年前  
事付與閒人說是非

曹雲伯來訪贈詩次其韻

卜築生涯定山阿面勢巖逕開林外石雲宿水邊簷  
嘉客高軒過清宵樂事兼灘聲來不歇更覺雨餘添

權用經來訪

時為安岳訓導

二十年同遊盆浦者也

不見詩人二十年石潭今日雨欣然別來世事渾無

賴夢著東湖載月船

寄上盧蘇齋

守慎

仰止中台座分離歲月深風霜老琪樹魚鴈聞徽音  
廊廟憂民志江湖戀主心誰言出處異千里兩開襟

題趙光瑗扇

一杯梨花春遠餉滄浪客酌罷山日低溪聲滿虛閣

六月憂旱

畎澮生塵石井乾白氛如霧蔽羣山擡頭欲問蒼天  
意雲漢昭回夜已闌

雨後次宋士強

大立

見寄韻

雨斂空山亂午暉小童鋤草啓柴扉清香一炷無餘  
伴坐看閒雲出岫飛

許校理美叔

箴

以厲壇

賜祭官到海州先寄

以詩後數日訪余于石潭小酌次韻以贈二首

幽棲簡略客來稀谷口雲深草逕微山鹿入門知遠  
害野人爭席驗忘機溪邊石榻驚孤夢天上瓊仙扣  
晚扉共藉綠苔成一醉半天新月下林霏

去年田野稻花稀白屋蕭蕭活計微民困更堪逢癘  
氣天高誰主運玄機君王忒祀回神意近侍承

綸出鳳扉聞道至誠能奏格海鄉從此霽氛霏

時海西廂

瘼甚

聽溪堂對琴書

面水依山一小堂  
土牀風榭可溫涼  
門無外客心無事  
玉軫韋編味正長

金君德器大司成  
金公湜之第三子也  
氣度倜儻不凡不事  
生產隱居麋鹿邨  
兄弟相樂也有詩  
曰可笑吟人有示  
余者余慕其爲人  
爲之次韻欲使名  
聞于後世也麋鹿  
邨距吾卜居數里  
金之歿今若干年

可笑又可笑笑我心  
計拙汲古綆空脩  
趨時路頻絕宦海  
深不測難試凌波  
襪簪組厭拘束還  
被舊時褐但求分  
所安豈憂貧到骨  
山兩長菜根百口  
可以活

我亦民之一天心  
豈不恤可笑又可  
笑何爲心忽忽爲  
子當盡孝爲臣當  
盡節生平讀經訓  
素心非隱逸只慙  
樗櫟材空談仁義  
說縱遇聖明朝奈  
成無用物堯舜難  
再逢何忍便求訣  
所以寂寞濱有時  
不怡悅可笑又可  
笑世人恒聒聒喜  
氣生紫緋憂愁集  
主筆身榮道必枉  
誰得還誰失古人  
笑忍飢啖橡栗章  
甫豈適越齊門不  
奏瑟瀟灑江海上  
優游送日月我思  
古之人中夜心如  
結九原不可作遺  
書看不輟由來百  
世師元不在施設  
我居何所鄰木石  
與薇蕨忽聞金老  
風喟然相感發寓  
興一篇詩調高如  
白雪若人不外慕  
容膝一斗室逍遙  
紫荆下兄弟相磋

要谷全書 詩下

切躬耕屨鹿邨身否志不屈樵夫與野老爭席亦無  
嗚我憐得此生不須塵事汨廢章豈無意欲使名不  
滅

次安丹城典船巖韻

有石形何似青林露半船攜朋憐坐密巖上可垂釣  
容四人  
見魚懸淫潦雖藏迹孤堅不隱賢千年肯移棹終日  
載風煙

次安丹城石潭韻三首

春色日加媚幽人相對閒傾壺須盡醉莫待綠侵山  
沙暖織芳草花明糝翠巖散人兼逸士水北又山南  
文會步晨露詠歸穿夕嵐澄心無別法寂默俯清潭

承 命名以大諫珥赴徵將以慰 上在疚兼

得謝 恩而歸留京一月竟未得面對乘舟西

下感懷有作書寄浩原

蹇劣非世器棲棲竟何為築室海山阿巖泉結幽期  
天書下衡門欲出慙明時三韓泣喪 妣五月滕文

悲趨朝慰 在疚謝 恩拜彤墀 重瞳隔咫尺五

雲深難窺逡巡出金門悵然雙涕垂蕭條囊橐空只  
有病相隨留邸一月罷乃賦歸歎詩出郭理歸棹我

行何遲遲親朋餞江閣執爵各有辭仁智見雖異倦

倦情非私初朋多  
勸余留滄波望無極一葦渺何之中流發

孤嘯有心誰我知却憐沙上鷗閒眠百無思鄒孟非

東坡全集卷之二十一 詩下

不豫斯人吾所師永言寄同病微子吾從誰

舟中回望南山悵然有作

屑屑之譏我所甘素心非欲老雲巖舟行不忍南山遠為報蒿師莫舉帆

雪中騎牛訪浩原敘別

歲云暮矣雪滿山野逕細分喬林間騎牛聳肩向何之我懷美人牛溪灣柴扉晚扣揖清臞小室擁褐依蒲團寥寥末夜坐無寐半壁青熒燈影殘因悲半生別離足更念千山行路難談餘輾轉曉雞鳴舉目滿窓霜月寒

與辛君望 應時 黃牧伯景文 廷或 登浩然亭更

約仲秋翫月二首

選勝開慳祕誅茅闢翠巖乾坤四圍遠窓戶半空懸兩霽山成畫潮平水作天三山不須覓棲此即神仙一丘專勝賞飛閣架危巔迥壓西溟盡平看北斗懸明沙斜耀日碧岫細浮天更得風將月應成玉界仙

次君望小酌石潭韻

楊柳和風日日吹山花開盡小川湄人間不管身榮辱客罕非關路險夷五馬臨門成邂逅三杯引興慰棲遲煙霞簿領還同調屈指中秋結後期

次君望路中寄贈韻

許亭前夜駐吟鞍情寫雲牋酒上顏山室夢驚仍不

寐曉風吹月照孤欄

與李大仲趙汝式憲諸君登浩然亭

相攜地上仙坐弄滄溟月秋光滿上下萬境皆清絕  
神飄吹嫋嫋玉笛雲衢徹臨觴忽惆悵美人天一末  
大仲次韻復步以賡

江天纖翳盡皎皎懸秋月羣峭巖空明山川成兩絕  
綠樽封良朋心肝澹相徹悵然下山逕危亭隱林末

贈別趙汝式李達夫培達應時三君子

衰白誰羣久驚君扣石關清歡曾幾日別恨繞千山  
觀物煙霞外論心洞壑間明朝已陳迹愁坐對巖灣

攜諸友游潛陽洞

崎嶇山逕少人行策杖尋幽旁水聲路斷巖奇雲木  
含一樽相對萬緣輕

金沙寺次安丹城韻

屢收孤嶼斂游雲雪作峯巒繞梵門清夜焚香無一  
夢海潮松籟靜中聞

題金沙寺是日適見海市

松閒引步午風涼手弄金沙到夕陽千載阿郎無處  
覓屢樓消盡海天長阿郎古仙人號

金汝器傳以敬差官訪余于南江其明日復來  
江上船邀余同載余與季獻載琴小船風潮逆  
至舟不得渡望見有作庚辰

一葉載玉軫相期天上郎風潮阻柔櫓悵望煙蒼茫  
與汝器登覽浩然亭明日泛舟江中奏樂日沒  
而罷

玉友忽來翔握手滄溟渙山榭罷登臨蘭舟泛綠水  
煩暑此焉滌微風疊鼓起山川四圍闊興入煙霞裏  
採蓮曲初歇殘暉遠岫紫酒醒人已遙相思渺千里

題浩然亭

南江名勝擅多年更有新亭倚翠巔檻外青山連北  
極軒前碧海盡西天寒巖隱見潮來往疎樹昏明月  
缺圓清坐默觀消長理世間榮辱可忘旃

浩然亭見月

天放空疎客逍遙江上山登臨夕陽盡月出海雲間  
芙蓉堂與方伯大仲都事嘉應及季獻小酌  
碧城秋雨送新涼虛檻憑來嶽色蒼晴景攬人成晚  
酌曲池微月泛荷香

次大仲見贈韻

平生瓊玉友攜手海西頭綺席澄江暮仙山碧樹秋  
聽歌聲

芙蓉堂上歌一曲迥入碧霄愁行雲主人勸酒客忘  
去日暮池風生縠紋

露坐酌月

空亭酌月光枕石迷胡蝶風露夜如何醒來衣盡濕



與大仲期會南江別季獻大仲有故不至寄謝  
以詩次韻

秋日開樽海上亭離鴻別鶴曲初成  
簷帷不至夕陽盡雲樹煙波無限情

大仲使謳者碧桃助餞席之歡因其歸寄詩

寒江煙浪阻佳期  
嫋嫋秋風一夕吹  
試遣碧桃歌數曲碧桃新唱摠吾詞

浩然亭酒席贈山人雲水

袖滿長風倚浩然  
席邊秋水盡晴天  
誰知漂渺琴歌裏亦著雲林白足禪

浩然亭置酒別季獻

秋山明霽景萬朵開青蓮天光曠海色極目俱澄鮮  
此時送將歸把酒危峯巔纖歌倚長笛嫋嫋神颿前  
四坐悄相視杳如聞湘絃斜陽沈碧靄片月生江煙  
對牀罷今宵孤琴何處眠離懷寫不形欲語還茫然

偶吟

世味淡於水吾生嗟已衰  
憐憐不能釋只有膝前兒  
遊蠹雲巖寄大仲

一曲蒼屏枕碧流  
明沙錦石可清遊  
臨觴不御懷瓊友亂嶂荒郊極目秋

神光秦定樓宴坐

雨後涼生古石樓  
輕風度壑響颼颼  
高僧相對坐無

語佛榻燒香金殿幽

贈僧

憶昔中臺下同聞上院鐘乖離十三載雲水幾千重  
洗鉢臨秋澗攀蘿度夕峯相逢問字各怪舊時容  
深源寺月夜季獻彈琴次玄玉上人韻

山日斜移萬木陰溪風吹雜六絃音香煙銷盡長廊  
靜兀對高僧坐夜深

雨後題安叔珍雅平遠亭

雨晴遙岫碧浮天亂瀑懸巖間紫煙一詠一觴懶歸  
去日高松影滿長川

聞監司季弘辭遞將別于路上阻雨未果贈短

律一首

海國萍蹤會頻開選勝筵相分元有數一見亦由天  
目極雲生樹塊消雨滿川日邊君獨去山客耿孤悵

方伯李仲益友直都事李應堯增來訪石潭小

酌于茅亭

石潭春水滿沙頭步履緩駟騎映林嘶冠蓋驚疎懶  
呼童埽小亭狎坐恣清玩餘寒勒羣卉巖草綠猶短  
含意未發媚却勝鶯花亂白酒隨量飲談笑開情款  
山阿寂寥中一會誠有算夕陽悄分袂平蕪望眼斷  
獨臥聽溪聲玲瓏作幽伴

別季涵于露梁江閣二首

此日足可惜此別真可傷那知駟與蚤轉作參與商  
秋空灑輕雨漢水流洋洋宣尼戒三緘大易貴包荒  
林居勉存省此語願毋忘

輕風拂琪樹錦水收微雨望望君去遙秋山入寒霧  
送季涵按湖南

辛巳

清時馳俊乂遺直有臨汀射策非干祿輸丹豈弋名  
蒞蘭紉雜佩鷗鷺謝深盟白簡風霜肅青蒲 黈纆  
傾雲霄舒闊步鵬鶚在朝廷一醉瑕生璧三緘戒入  
銘牙旗辭 北闕玉節按東溟蔀屋霑仁澤甘棠起  
頌聲迹巡仙界遍詩到雪峯清宦意秋光淡羈愁暮  
靄生松江理孤棹漢水濯行纓報國誠猶炳明農策

未成 宸衷簡方伯申命撫髮熒更拂朝 天服因

懷攬轡情殘民競加額碩鼠欲潛形惆悵平生友淒  
涼向曙星梁鷓愧濡翼林鶴惜摧翎不待賓筵暖旋  
驚別馬鳴煙花迷故里雲樹渺歸程只有心無遠相  
思一寸明

浩原退歸寓津關作詩相示次韻還寄二首

天意定應扶 社稷謝安寧免濟蒼生白駒何處維  
空谷西望津關古木平

盛際千年會憂時一病身願回巖穴老終作匪躬臣  
司諫院契軸

江海空疎客薇垣衆英匡時五臣足憂國一身輕

自分非忠直何緣補 聖明後人應歷指今日愧題名

送魚景游

雲海

作嶺南幕賓

昨夜對綠樽共惜霜林月今朝困清羸不作河橋別  
山長水復遠珍重慎脂轄佐宣責非輕澄清會有日  
所嗟畏友遠耳畔箴規絕悵然想行塵坐到微鐘歇

送沈公直

忠謙

作宰春川

閉戶養清羸謝客疎人事此時聞我弟出作餐砂吏  
悄悄病後思悠悠別離意春州擅佳名山水饒清致  
江洲草色遠巖壑雲姿媚鈴齋簿牒閒幾叩清平寺  
自嗟絆風塵空懷遠遊志何當入禪扃共對蒲團睡

寄精舍學徒

心如盤水最難持墮塹投坑在霎時為報僉賢操守  
固世紛叢裏卓無移

送金希元陪嚴侍朝

天之行夜裏敘別

壬午

對榻挑燈夜向深草堂幽寂候蟲吟燕山漢水明朝  
隔兩地秋風會此心

送崔立之以質正官隨重晦之行

幽意忽惆悵秋風生遠林那堪抱歸興更值別知音  
路負川原闊天高雨露深回程報殊渥邦慶動宸  
心

送李夢應

濟臣

出鎮北邊

未視承明草旋登大將壇北門新佩鑰西塞舊牢關  
來去山輕重恩威氣煖寒一杯連祖道秋意助辛酸

挽伯姁

我生胡不辰早纏風樹悲清門舊業薄鴈行亦分離  
同居計未圓伯氏奄我違中年官興闌世路多險巇  
誅榛卜一丘渺渺西海涯我姁就余居自南攜孤兒  
三架奉先主一簞同忍飢洞壑靜而幽擬作窮年期  
天書召不止束帶還羽儀戀恩不能歸盡眷移京  
師南北不辭勞恩義兩無虧一朝困沈痾痛矣無良  
醫乘化奄歸盡骨肉棄如遺哀哀桂與蘭顛天天無  
知祖載發中堂撫柩神如癡蕭辰霜露零慘淡晨風

吹送別有後期此去歸何時

挽金重晦

早年才調擅英姿夙夜清朝不顧私數畝田園惟祖  
業一生冰雪忍人知傷心忽喪多聞友憂國空吟殄  
瘁詩天意定貽身後慶可憐如玉有孤兒

次黃

天使

洪憲

沿途諸作

并序

伏承辱示沿途諸作雲錦爛然盥手捧玩爽若江  
風海雨入于牙頰無任忻幸之至重違台教敢構  
荒拙次韻奉呈

渡鴨綠江二首

斜陽鼓角殷孤城肅隊催班逐漢旌絕域戴天承兩

露塞門韜甲會簪纓翔風水鳥迎船舞引路山雲翳  
馬輕共仰前星垂遠耀四方爭頌泰階平

十行 丹詔下雲空威鳳來隨度海鴻玉節影搖寒  
水迴錦袍光曠晚霞紅千秋瑞氣浮蘭殿萬國歡聲  
繞紫宮道路聳觀香案吏輪蹄雜沓氣成虹

車輦館蟠松

霜皮鐵幹老盤松韻入長風撼遠峯影合太陰林日  
暝氣通喬嶽洞雲封羣賢撫玩芳蹤杳雙鳳徘徊晚  
色濃護惜敢忘嘉樹傳只愁雷雨化蒼龍

孝女碑

秉彝均賦孰無親短碣摩挲倍愴神列鼎曾聞懷負

米百年風樹痛吾身

納清亭二首

樹擁川湄晝影清笳鳴橋外晚風橫焚香畫閣人如  
玉水色山光摠有情

一曲溪山秀路清皇華駐節彩雲橫芳樽半日陶幽  
趣更把瓊詞寫遠情

砌臺寒浸縠紋清隔水疎松翠蓋橫幽興未闌王事  
急夕陽歸去有餘情

練光亭

玉節臨彫檻仙袍映紫煙山容增嫵媚江色更澄鮮  
風露侵三夜笙歌落九天遙知虛 講席宮燭待君

然

箕子廟二首

東土當年建國賓，邑居依舊井田漚。曾將疇範傳華夏，更把衣裳變介鱗。仁列三賢遺訓炳，澤流千載耿光新。皇華起敬增悽感，日暮悲風滿渚蘋。

玉馬東來啓我先，歎深微禹卽仁賢。敢將韜晦爲身地，祇是艱貞不愧天。故墓淒涼寒樹裏，明宮翬嶼曉雲邊。遺風舊俗今猶在，惆悵無因作九泉。

泛大同江二首

暫上蘭舟駐四黃，列城簪笏摠賓將。清遊未半斜陽盡，山色蒼蒼接水光。

長途敢問馬玄黃，玉帛相交祇敬將。入眼忽驚逢絕寶，錦囊纔發座生光。

次黃 天使浮碧樓韻

畫欄危棟枕龍從，俯闕江流碧海通。水面落陰明寶鏡，雲衢飛彩結晴虹。茫茫喬木迷荒磴，點點尖峯秀遠空。此是青丘奇絕處，謝樓滕閣可爭雄。

次黃 天使太虛樓韻

遠樓山骨瘦稜稜，十二欄干向晚凭。鳥噪東林紅日盡，月沈西海彩霞蒸。鑪煙吐篆香初散，池縠收紋氣漸凝。照壁清詩看不厭，玉京仙子幾回登。

次黃 天使頌 詔記事韻

丁東漏盡叫天雞  
鳳駕懸燈渡野谿  
笙鶴溢街迎彩羽  
龍光滿國啓金泥  
偏承帝眷優藩服  
更賀皇威掃狄鞬  
慶罷還愁霄漢遠  
繡衣能得幾時稽

次王 天使沿途諸作

并序

伏承辱示途中盛作  
奎璧燦爛不勝忭悚之至  
重違台旨奉和以呈

渡鴨綠江二首

星輅聞說發清都  
為候霓旌夙在途  
丹詔十行隨彩鳳  
青丘千里駕飛菟  
蒼山雨霽巖姿媚  
碧落雲消鴈影孤  
玉帶神人登畫鷁  
煙波驚殺釣魚徒  
東人拭目候星槎  
騎從如雲簇晚沙  
窮海謳歌歸一

索層霄日月耀重華  
風隨使節潛回暖  
浪為仙舟不作花  
莫訝殊方佳氣遍  
鳳綸來自玉皇家

車輦館

玉節迢迢度遠岑  
湖山興趣浩難禁  
暫辭諫掖臨藩土  
曾把丰儀動士林  
日耀千旌穿樹影  
風傳鼓吹咽江潯  
松圍古驛濃陰爽  
酌罷霞觴為朗吟

蟠松

童童一青蓋  
當路博清歡  
柯屈驚虬壯  
根穿厚地蟠  
苔紋和葉綠  
月色助陰寒  
故老寧知歲  
流傳自馬韓  
過金孝女故廬

嗟嗟弱質秀闔門  
羸得芳名振外藩  
指不若人何損



孝世間戕賊忍堪言

納清亭

松籟溪聲滿閣清晴郊日暮淡煙橫蒼鷹振翮魚登網儻得皇華一慰情

嘉平館觀射

暇日娛賓開射圃百步沙壘環短堵穿楊絕藝入神悟巧力須知在承弣傳聞土蠻屯犬羊正點邊兵簡貔虎願借皇威乘一障縛取呼韓作奴虜

百祥樓

飛樓收勝趣豈爲察祲祥野接青天迴江通碧海長千山環縹渺雙鳳對翱翔只恨黃昏近無由泛彩航

肅寧館微雪

雪意遲回乍欲飛臥聞風力撼窓扉吹殘柳絮輕初散篩下銀沙勢漸微忍凍漁翁蓑笠側暖寒豪客玉舟揮何時嘯入瓊瑤窟快覩清光蕩月輝

謁箕子墓

世遠人亡澤未收井田尙辨東西疇淒涼遺老誦八教繚繞荒城經幾秋闕殿鬼峩峩奉香火佳城蕭瑟鳴梧楸天遣皇華肅將禮更銜聖化宣東陬

快哉亭

選勝頗多席凭危更上亭帽因邀月側杯爲覓詩停綠幌低朱檻華譙擁翠屏都人爭拭目仙客幾回經

浮碧樓

箕城東畔浪江頭中有縹渺之飛樓青山一望何袞  
袞白雲千載空悠悠程袍仙子此時過麟馬天孫何  
處遊玉簫吹澈彩霞盡古國煙波人自愁

練光亭

練光高閣臨江渚十里平波寒鏡開喬木遙看白鳥  
沒古城迴抱青雲回舉手遐思揖喬晉掛帆直欲迨  
登萊當風披覽動霞酌落日為我猶徘徊

江上泛舟二首

黑頭公竝豫章黃海外江山恣取將縹渺仙舟人指  
點一雙和璧爛清光

箕城回首淡雲黃南浦蘭舟慣遠將為報長年須緩  
棹寒波澈底蘸天光

渡大同江

威鳳雙飛渡遼水面承 綸音聖天子紫禁煙霞一  
萬重青丘雨露三千里征車畏途笑王陽孤舟徑渡  
江蒼茫採風殊壤富新作一一金石聲鏗鏘醉呼馮  
夷駟玉虬仙袂飄飄天際翔高吟倚柁樓天地為低  
昂手捧 金泥賜東國日暎扶桑光輝赫此邦箕子  
有遺風莫道山川非禹迹

生陽館

鳳曆開休運虹流賀此時星圖膺大慶僻壤荷鴻私

漸覺陽爻長無煩暖律吹東人瞻玉節天際五雲隨  
太虛樓

嚴裝曉發夜猶行星彩寒從翠嶺生葉盡長郊邨火  
迎人稀古渡野航橫鳳舍 丹詔來西極樓倚青冥  
近上清曠望忽驚飛六出登臨應抱歲寒情

鳳山道中遇雪

向晚發黃州透遲度阡陌滕六為清路轉眄青山白  
瓊花點錦袍似媚天上客仙靈故催詩不愁霑漢節

龍泉館

西來仙客錦鞍連灑醜文章降自天盥手吟來津溢  
口爽如巖壑瀉寒泉

次王 天使宣 詔後所作韻二首

瑞電祥虹啓 聖期 天心悅豫近臣知身持漢節  
輕千里口誦堯言動九夷緱嶺笙簫來縹渺鰲岑影  
象弄神奇如今更覺 皇恩大瞻仰文星式令儀  
賢關發軔歲星周白簡青蒲諫業優鰈域乘槎宣鳳  
口天門聽履識魚頭 恩霑僻壤歡聲振雲擁神京  
瑞氣浮四海一家無內外 聖朝蕃錫在康侯

太平樓次黃 天使韻

危樓手可撫天星香案仙曹暫此停晝靜松風圍綉  
幕夜寒霜氣透雲屏窓含暮景煙光紫簷抱遙空岳  
色青盡取海山輪越囊會看雄藻播彤庭

太平樓次王 天使韻二首

盛以清都白玉樓，陋邦何幸見淹留。神京西北占雲氣，江漢東南蕩客愁。天上瑞圖雙鳳下，海中圓嶠六鰲浮。太平華扁君須記，封祝年年向帝州。城闕蒼蒼二百秋，俯臨東極有飛樓。千家簾幕圍清晝，萬里山川記壯遊。魂繞五雲環珮響，眼窮三島鬢鬟愁。莫嫌夜坐饒風露，會看冰輪出九幽。

慶會樓次黃 天使韻

迴入層霄聳四阿，綠樽畱待使星過。簾浮嵐氣圍青嶂，池蘸蟾光弄素娥。數曲雲和軒外奏，萬株松籟雨餘多。夜深前殿賓筵罷，銀燭紗籠散玉珂。

讌集慶會樓次王 天使韻

星槎遠泊海東陬，勝日相攜上翠樓。玉鏡涵空波不起，煙鬟繞座雨初收。牢籠景象歸吟筆，揮斥乾坤放醉眸。自是天威臨咫尺，却從西北望神州。

漢江夕泛次黃 天使韻

桂棹蘭橈泝錦湍，煙光盡入彩毫端。雲開秀色青螺髻，天放清輝白玉盤。風弄簫聲挑客興，江涵峯影滿船寒。黃昏返駕頻回首，林表紅樓露曲欄。

漢江樓讌集次王 天使韻

綺席芳樽晚倚樓，江山霽景愜清遊。雲開海色蓬瀛近，鶴杳仙蹤歲月悠。玉管隨風時激烈，畫船牽輿故

遲爾黃昏不用謀燈燭好事天公為洗眸

次王 天使謁文廟韻

廟貌恒如昨精禋式至今休言此邦陋須識欲居心

次黃 天使花石亭韻 并序

伏承辱示花石題詠詞意俱到豈但鱗生受賜為  
末世之寶定有先人之靈懷感於九泉銘骨無以  
仰謝伏步高韻聊表下情

先業荒涼野逕幽江山依舊擁林丘花殘草砌纔分  
種土蝕雲根不記秋占勝豈緣甘隱遯重新祇為守  
箕裘瓊瑤照壁仍垂警自愧疎才未煥猷

附黃 天使詩 并序

李氏別墅構自先曾蓋取贊皇公平泉莊之意  
以貽後昆贊成規恢先業能不隕其家聲為賦  
短章以塞其請竝致祈望之私云

綠野堂開背郭幽白雲芳草即丹丘山花色映松  
杉翠石壁青含薜荔秋世業自應勤肯構清時豈  
合念菟裘贊皇勳烈標唐史勉佐藩宣紹遠猷

復以一首申謝

山繞平郊水繞邨一區花石散荒園重開祖業初營  
室未報君恩却鎖門天上神仙畱彩筆雲間笙鶴下  
幽軒寧論霞鷺生顏色會有先靈感九原

次王 天使花石亭韻 并序

伏承辱示花石題詠至於眷惠手筆捧玩如得拱璧榮被幽明無以仰報拙句非敢爲詩只表銘感之忱

文星來自白雲鄉青鎖多年侍玉皇筆落野亭辭最妙炯如隋璧夜猶光山容更媚濃浮檻松籟增清爽滿牆人返紫霄詩在壁夢魂飛度海天長

附王

天使詩

并序

余使朝鮮往復鴨綠江遠接使李君寔送迎焉念其勤渠方爲詩似迺一日謂余其家花石亭創自曾大父取贊皇公平泉莊遺意冀後人世守勿失四傳至君厥基益拓厥聲益著是真能

光迺祖者余嘉之遂爲賦之時 萬曆壬午仲

冬日也

堂開綠野闢裴相莊卜平泉有贊皇百代家聲人共羨四傳基業爾能光羣芳燦爛依幽砌疊石參差出短牆撫景一亭承澤遠江山流峙竝延長復以一首申謝

舊業蕭條枕水臯唾花眞幸遇仙曹一揮灑落雲生筆四韻清新僕命騷屋宇含輝動光彩江流受鎮靜波濤榮加存沒將何報喜極還悲淚點袍

次黃

天使葱秀山玉溜泉韻

數朵芙蓉夕照開玉溪流劬翠屏回泉珠點點飄輕

兩松籟蕭蕭響遠雷洞府乍傳青鳥信天仙對酌紫霞杯靈區勝迹終難寫自愧元非七步才

此律及射獵詩華使回至美順館臨發錄示於餞筵走筆寫呈

次黃 天使觀射獵韻

石路緣雲高復低千里玉節遙追躋數峯葱翠秀琬琰一溪湛碧開玻瓈丹霞彩靄迷洞壑石竇細泉飛珠落呼鷹校獵壯士集願得皇華一行樂穿楊不數三箭雄洞鐵更道千句弱山谿馳逐步驟同慘怛殺氣隨陰風揮戈白日為少回勝地樂事誠難窮鳳簫聲斷仙馭發林悽水咽壺天空嗚呼四海昇平久置兔野人空赴赴檢關不聞刁斗聲玉帳但醉羔兒酒

金

君不見垂衣 聖人御皇極萬國梯航玉帛走海邦耕鑿亦堯民 帝力於我知何有

次王 天使玉溜泉韻

地闢千年祕天開一竇清摘來珠點散流處縠紋成靜聽瑤琴韻寒疑檜雨鳴儒仙頻激賞幽趣愜詩情

次黃 天使生陽館韻

海國窮陰節蕭條百草摧佳名徵侯館盛禮憶觀臺自是洪恩遍仍教暖氣回葭灰初散落梅蘂已墜堆道屬千齡泰朋看七日來連茹在仙伯應被詔書催

百祥樓次黃 天使韻

碧瓦雕甍倚古城仰摩星漢俯澄明天邊黛色分三

東坡全集卷之二十一 詩下  
壤沙外波光接八瀛衆鳥入空喬木遠寒蕪極目淡  
煙平却嫌晨夜催程急清景難淹漢使行

次黃 天使畱別韻

騷人綴佩起蘭皋翰墨場中善劬刀文命來宣東土  
遠靈槎還向北天高百篇莊誦煙霞語千里渾忘跋  
涉勞身似化蜩畱海甸此心潛逐繡麟袍

次黃 天使贈別韻

長川冰雪覆寒沙此日愁聞出塞笳兩地雲泥分席  
上一江南北卽天涯情勞永夜應飛夢路絕何時更  
倚麻珍重贈言歸橐富愧將燕石報瓊華

附黃 天使詩 并序

萍水相逢金蘭若契我奉 朝命君爲主役周

旋几席登眺江山未嘗一日不相從也顧地域  
異制人生有涯隙日難畱嘉會不再江亭祖帳  
黯然消塊再賦短章用申別緒

江亭祖帳暎清沙風急潮聲咽暮笳乍會豈堪驚  
別緒相悲各自念生涯長裙君去承 王寵短鈇  
吾歸侍 帝麻東國年年修職貢可能跨馬到京  
華

次王 天使贈別韻

歲暮離懷浩莫裁當筵只有倒深杯贈言驚玩珠璣  
疊欲和陽春愧不才



次王 天使留別韻

澄江如練遠潮平仙客開筵駐旆旌  
穽壤霞觴澆別恨薊門霜樹渺歸程  
寒空雪霽千山迥虛閣風輕一笛橫  
唱斷驪駒天日暮碧雲難寫去留情

附王 天使詩

館署別離恨未平憐君來往伴旄旌  
秋深東去傳天語歲晏西歸憶客程  
光射斗牛雙劍在地分中外一江橫  
遨遊殊域知難再沮水葱山總繫情

奉別 天使兩大人四首 并序

海外鯁生獲近 天朝侍臣陪行千里往返四旬  
飽德薰香受惠罔涯疊璧聯珠愈出愈奇令人驚

玩不覺道路之遠鞍馬之疲此實一生難再之榮  
第恨龍門乍登颿御遽歸一作弦矢後會無期臨  
江愴別物色含悲敢拙鄙誠短律是裁辭取達意  
詩云乎哉

金鑾學士秀鵷行色映青丘布耿光詞倒豫章音調  
壯孝傳江夏姓名香一言非善空攜手萬里臨歧更  
斷腸漢水吳山雲樹隔玉人仙馭杳難望

摻祛臨別更何言慘惓寒暄照北門衰草接天人度  
塞亂山環海路緣原心驚雲駕無回日淚濺江梅未  
返魂此夜銀河成悵望使星移入紫微垣

右贈黃天使

左掖瓊仙松柏姿幾回焚草畏人知門齊晉謝簪纓

盛詩竝唐楊格律奇鰈域宣 綸欣得御鴨江回旆  
惜分歧雲霄九萬鵬程遠鴈札難傳只夢思

賓筵莫恨不通辭擊目無言心自知十載曾觀周禮

樂雙旌今見漢威儀顏承蘭室纔薰襲思亂江雲候

別離惆悵明年春草綠王孫西望渺天涯

第三及之○右  
贈王 天使

詩帖付 聖節使呈 中朝王給事中 并序

微吾王先生奉 帝命來宣 德音珥叨遠接之

任迎送于境上穆然襲乎春風者一月有餘先生

不鄙夷之沿路寓興之作必投虛牝堆金疊玉燦

爛盈眼珥荷盛意亦抽肝腎仰博一哂先生不使

漫甌反加獎勸令作帖以寫珥之惡詩傳笑中華

雖可愧而其獲一言之譽于先生則其榮幸至矣

茲不敢固辭時 萬曆十年季冬也

猗蘭播慶德音昭渺渺重霄下使軺僮館翱翔樽俎

盛塞門迎送旆旌遙江山入筆畱仙迹禮義成邦慕

聖朝共事羣賢終不忘眼明高閣掛霜綃

歸坡山寄宋雲長

風塵局促二毛生一葦歸來萬事輕江上秋山不相

厭世間交道在無情

題墳菴僧軸

欲使心無愧那堪面目憎招提草樹裏寂寞對山僧

乘舟西下

詩下

處世苦不諧，悠然歸意催。天心縱不移，變態知誰裁。  
滄海細雨迷斜陽，孤棹開美哉。水洋洋萬念嗟，已灰  
只有一寸丹，九死終不回。

去國舟下海州

癸未

四遠雲俱黑，中天日正明。孤臣一掬淚，灑向漢陽城。

附高山九曲歌

本詩錄係宋時烈翻文

高山九曲潭，世人未曾知。誅茅來卜居，朋友皆會之。  
武夷仍想像，所願學朱子。  
一曲何處是冠巖，日色照平蕪。煙斂後，遠山真如畫。  
松間置綠樽，延佇友人來。

二曲何處是花巖，春景晚碧波。泛山花野外流出去，  
勝地人不知，使人知如何。

三曲何處是翠屏，葉已敷。綠樹有山鳥，上下其音時。  
盤松受清風，頓無夏炎熱。

四曲何處是松崖，日西沈潭心。巖影倒色色，皆蘸之。  
林泉深更好，幽興自難勝。

五曲何處是隱屏，最好看水邊。精舍在瀟灑，意無極。  
箇中常講學，詠月且吟風。

六曲何處是釣溪水，邊關不知人與魚。其樂孰爲多，  
黃昏荷竹竿，聊且帶月歸。

七曲何處是楓巖，秋色鮮清霜。薄言打絕壁，真錦繡。

寒巖獨坐時聊亦且忘家

八曲何處是琴灘月正明玉軫與金徽聊奏數三曲

古調無知者何妨獨自樂

九曲何處是文山歲暮時奇巖與怪石雪裏埋其形  
遊人自不來漫謂無佳景

栗谷先生全書卷之二

